

CUSSEGL GROND

Sessiun da december 2022

Dumonda Gartmann-Albin concernent l'integraziun da persunas cun in disturbi d'autissem

En ses rapport da l'onn 2018 ha il Cussegl federal fixà trais accents d'acziun prioritars, cun ils quals duai vegnir stgaffi in sistem da sustegn coerent per persunas pertutgadas e per lur confamigliars:

- diagnosa tempriva e diagnostica da disturbis dal spectrum da l'autissem (DSA)
- intervenziun tempriva en il senn da terapias intensivass a favur d'uffants da la vegliadetgna prescolara ch'èn pertutgads da DSA
- cussegliaziun per persunas pertutgadas e lur confamigliars sco er coordinaziun da divers servetschs terapeutics e da purschidas d'agid.

Plinavant recumonda il Cussegl federal mesiras concretas per meglierar la situaziun da persunas cun DSA, sco p.ex. l'installaziun d'in center da cumpetenza u ina purschida suffizienta da terapias intensivass.

Sa referind a la dumonda Hitz en la sessiun da december 2018 ha la Regenza considerà en sia resposta, ch'i stoppia vegnir fatga in'analisa da la situaziun en il chantun. En questa analisa da la situaziun vegnan resguardads ils resultats da las differentas gruppas da lavur ch'èn sa furmadas per incumbensa da la Conferenza da las directuras e dals directurs chantunals da l'educaziun publica, da sanadad e dals affars socials.

Las sutsegnadras ed ils sutsegnaders supplitgeschan damai la Regenza da responder las suandantas dumondas:

1. Tge enconuschientschas han ins obtegnì da l'analisa da la situaziun chantunala e datti in barat regular davart quest tema tranter ils divers acturs involvids?
2. Enconuscha la Regenza ils resultats da l'emprova da pilot «Intensive Frühintervention bei Kindern mit frühkindlichem Autismus» da l'Uffizi federal d'assicuranzas socialas, che ha cumenzà il 1. da schaner 2019, e sche gea, tge demussan quests resultats e vegnan els resguardads en la purschida dal chantun?
3. Èsi planisà d'extender en moda orientada als basegns la purschida ed ils servetschs a favur da persunas cun DSA en il Grischun? Sche gea, co guardan ora questas purschidas e quests servetschs e cura vegn tut quai realisà?

Cuira, ils 7 da december 2022

Gartmann-Albin, Holzinger-Loretz, Loepfe, Atanes, Bachmann, Bardill, Baselgia, Berweger, Biert, Bischof, Bisculm Jörg, Bleuler-Jenny, Brandenburger, Bürgi-Büchel, Cahenzli-Philipp (Vaz Sut), Cramerì, Della Cà, Dietrich, Föhn, Furger, Gansner, Gredig, Hofmann, Jochum, Kienz, Kocher, Kreiliger, Luzio, Mani, Mazzetta, Morf, Müller, Nicolay, Pajic, Perl, Pfäffli, Preisig, Rageth, Rettich, Righetti, Roffler, Rusch Nigg, Rutishauser, Spagnolatti, Stiffler, Tanner, Wieland, Wilhelm, Zanetti (Sent), Zindel